



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u maju 2024. godine




Monetarna kretanja u maju 2024. godine

Ukupna novčana masa (M2) na kraju maja 2024. godine iznosila je 36,63 milijarde KM, u odnosu na prethodni mjesec registrovano je smanjenje novčane mase za 40,6 miliona KM (0,1%). Novac (M1) je smanjen za 3,2 miliona KM, a kvazi novac (QM) za 37,5 miliona KM (0,3%), što je rezultiralo smanjenjem novčane mase (M2). U strukturi novca (M1), gotovina izvan banaka je manja za 63,1 milion KM (0,9%), dok su prenosivi depoziti u domaćoj valuti povećani za 60 miliona KM (0,4%). Kvazi novac (QM) je smanjen usljed pada prenosivih depozita u stranoj valuti za 40,1 milion KM (1,0%) i ostalih depozita u stranoj valuti za 16,2 miliona KM (0,2%), dok su istovremeno ostali depoziti u domaćoj valuti povećani za 18,8 miliona KM (0,6%)

Na godišnjem nivou, porast novčane mase (M2) u maju 2024. godine iznosio je 2,84 milijarde KM (8,4%). Rast je ostvaren kod gotovine izvan banaka za 446,2 miliona KM (7,2%), kod prenosivih depozita u domaćoj valuti za 1,56 milijardi KM (11,2%), kod prenosivih depozita u stranoj valuti za 136,3 miliona KM (3,5%), kod ostalih depozita u domaćoj valuti za 130,3 miliona KM (4,6%) i kod ostalih depozita u stranoj valuti za 569,6 miliona KM (8,2%).

Monetarni agregati

(godišnje stope rasta)
2021 - 2024



Protustavka smanjenju novčane mase (M2) na mjesečnom nivou u maju 2024. godine u iznosu od 40,6 miliona KM (0,1%), je smanjenje neto strane aktive (NSA) za 326,3 miliona KM (1,6%) i povećanje neto domaće aktive (NDA) za 285,7 miliona KM (1,8%). Porast novčane mase (M2) na godišnjem nivou od 2,84 milijarde KM (8,4%), rezultat je porasta neto strane aktive (NSA) za 983,6 miliona KM (5,0%) i neto domaće aktive (NDA) za 1,86 milijardi KM (13,1%).

Monetarni pregled

	Stanje u mil. KM V 2024	Mjesečne promjene u mil. KM			Godišnje stope rasta u %		
		III 2024	IV 2024	V 2024	III 2024	IV 2024	V 2024
Aktiva							
1. Neto strana aktiva	20.535,0	219,1	-3,2	-326,3	8,7	7,3	5,0
1.1. Strana aktiva	22.021,8	171,6	21,6	-283,5	7,5	6,4	4,7
1.2. Strana pasiva	-1.486,8	47,5	-24,7	-42,9	-7,1	-5,3	-0,3
2. Neto domaća aktiva	16.090,9	151,8	320,9	285,7	10,2	11,5	13,1
2.1. Potraživanja od centralne vlade (neto), kantona i opština	877,8	-132,1	79,1	69,6	195,7	232,4	191,5
2.2. Potraživanja od domaćih sektora	23.543,3	362,8	239,4	234,3	8,6	8,7	9,6
2.3. Ostale stavke	-8.330,2	-78,9	2,4	-18,2	11,8	10,6	10,2
Pasiva							
1. Novčana masa (M2)	36.625,9	370,9	317,8	-40,6	9,3	9,1	8,4
1.1. Novac (M1)	22.093,0	271,1	239,3	-3,2	11,5	10,7	10,0
1.2. Kvazi novac (QM)	14.532,9	99,9	78,4	-37,5	6,2	6,8	6,1

Kreditni

Ukupni krediti domaćim sektorima na kraju maja 2024. godine iznosili su 24,53 milijarde KM, u odnosu na prethodni mjesec zabilježeno je povećanje kredita od 260,2 miliona KM (1,1%). Kreditni rast registrovan je kod sektora stanovništva za 129,7 miliona KM (1,1%), kod privatnih preduzeća za 109,2 miliona KM (1,1%), kod vladinih institucija za 19 miliona KM (1,7%) i kod ostalih domaćih sektora za 2,6 miliona KM (1,0%). Smanjenje kreditnog rasta je zabilježeno kod nefinansijskih javnih preduzeća za 0,3 miliona KM (0,1%).

Godišnja stopa rasta ukupnih kredita u maju 2024. godine iznosila je 9,4%, nominalno 2,11 milijardi KM. Godišnji rast kredita registrovan je kod sektora stanovništva za 1,02 milijarde KM (9,1%), kod privatnih preduzeća za 956,5 miliona KM (10,2%), kod vladinih institucija za 55,6 miliona KM (10,7%), kod nefinansijskih javnih preduzeća za 4,5 miliona KM (0,8%) i kod ostalih domaćih sektora za 72,6 miliona KM (39,7%).

Sektorska struktura kredita

	Stanje u mil. KM V 2024	Mjesečne promjene u mil. KM			Godišnje stope promjene u %		
		III 2024	IV 2024	V 2024	III 2024	IV 2024	V 2024
Ukupno	24.534,0	384,6	224,8	260,2	8,3	8,4	9,4
Od toga:							
Stanovništvo	12.268,3	136,6	113,3	129,7	8,2	8,4	9,1
Privatna preduzeća	10.304,9	196,7	139,0	109,2	8,7	9,3	10,2
Vladine institucije	1.125,9	25,7	-7,8	19,0	8,7	9,7	10,7
Javna preduzeća	579,4	2,7	-17,8	-0,3	-0,3	-4,2	0,8
Kreditni ostalim domaćim sektorima	255,6	23,0	-1,8	2,6	50,1	50,8	39,7

Depoziti

Ukupni depoziti domaćih sektora na kraju maja 2024. godine iznosili su 31,88 milijardi KM, u odnosu na prethodni mjesec depoziti su smanjeni za 39,4 miliona KM (0,1%). Smanjenje depozita na mjesečnom nivou registrovano je kod sektora stanovništva za 225,6 miliona KM (1,3%) i kod vladinih institucija za 64,8 miliona KM (1,5%). Depoziti su povećani kod privatnih preduzeća za 192,3 miliona KM (2,7%), kod nefinansijskih javnih preduzeća za 7,9 miliona KM (0,4%) i kod ostalih domaćih sektora za 50,8 miliona KM (2,8%).

Godišnja stopa rasta ukupnih depozita u maju 2024. godine iznosila je 7,2%, što je u apsolutnom iznosu 2,15 milijardi KM. Godišnji rast depozita registrovan je kod sektora stanovništva za 1,42 milijarde KM (9,4%), kod privatnih preduzeća za 897,7 miliona KM (14,2%), kod nefinansijskih javnih preduzeća za 56,5 miliona KM (2,9%) i kod ostalih domaćih sektora za 18,7 miliona KM (1,0%). Depoziti su na godišnjem nivou smanjeni kod vladinih institucija za 244,4 miliona KM (5,4%).

Sektorska struktura depozita

	Stanje u mil. KM V 2024	Mjesečne promjene u mil. KM			Godišnje stope promjene u %		
		III 2024	IV 2024	V 2024	III 2024	IV 2024	V 2024
Ukupno	31.878,3	401,2	133,2	-39,4	8,6	8,5	7,2
Od toga:							
Stanovništvo	16.501,9	212,9	162,3	-225,6	10,4	10,7	9,4
Privatna preduzeća	7.229,3	-82,3	25,2	192,3	15,0	15,6	14,2
Vladine institucije	4.253,9	225,6	-47,6	-64,8	-0,9	-1,4	-5,4
Javna preduzeća	2.037,6	40,6	-19,5	7,9	5,7	4,0	2,9
Depoziti ostalih domaćih sektora	1.855,6	4,5	12,9	50,8	-1,1	-3,3	1,0

Devizne rezerve

Devizne rezerve Centralne banke BiH na kraju maja 2024. godine iznosile su 15,77 milijardi KM i na godišnjem nivou su povećane za 239 miliona KM (1,5%).